

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA KUMI NA MOJA**

**KIKAO CHA AROBAINI NA MOJA**

**31 MEI, 2018**



## ORODHA YA SHUGHULI ZA LEO

---

### MKUTANO WA KUMI NA MOJA

KIKAO CHA AROBAINI NA MOJA – TAREHE 31 MEI, 2018

I. DUA:

II. HATI ZA KUWASILISHA MEZANI:

**WAZIRI WA MADINI:**

Hotuba ya Makadirio ya Mapato na Matumizi ya Wizara ya Madini kwa Mwaka wa Fedha 2018/2019.

**MWENYEKITI WA KAMATI YA NISHATI NA MADINI:**

Taarifa ya Kamati ya Nishati na Madini kuhusu utekelezaji wa Majukumu ya Wizara ya Madini kwa Mwaka wa Fedha 2017/2018 pamoja na Maoni ya Kamati kuhusu Makadirio ya Mapato na Matumizi ya Wizara hiyo kwa Mwaka wa Fedha 2018/2019.

### III. MASWALI:

#### OFISI YA WAZIRI MKUU:

#### 341. MHESHIMIWA HAWA MCHAFU CHAKOMA (VITI MAALUM):

Atamuuliza Mheshimiwa Waziri Mkuu:-

Je, Serikali inatekelezaje mpango wa UKIMWI wa 90-90-90.

#### OFISI YA RAIS (TAMISEMI):

#### 342. MHESHIMIWA IBRAHIM MOHAMEDALI RAZA (KIEMBE SAMAKI):

Atamuuliza Mheshimiwa Waziri wa Nchi, Ofisi ya Rais (TAMISEMI):- Wananchi au Taasisi zilizopewa vibali vya kupaki magari hadi saa 12 jioni katika Jiji la Dar es Salaam sasa wanatumia vibali hivyo kupaki kwa saa 24. Hali hiyo imeibua usumbufu kwa Wananchi wanaotaka kupaki magari yao kuanzia saa 12 jioni:-

Je, ni lini Serikali itakomesha suala hilo ili kuwaondolea Wananchi usumbufu wanaoupata.

**343. MHESHIMIWA ANGELINA ADAM MALEMBEKA (VITI MAALUM):**

Atamuuliza Mheshimiwa Waziri wa Nchi, Ofisi ya Rais (TAMISEMI):- Kwa kuwa Serikali ina mkakati madhubuti wa kupunguza vifo vya Akina Mama na Watoto:-

- (a) Je, ni lini Zahanati ya Kiboga katika Kata ya Msongola itafunguliwa ili Wananchi wapate huduma ya afya;
- (b) Kwa kuwa Wananchi wa Mtaa wa Mbondole katika Kata ya Msongola walitoa ardhi kwa ajili ya ujenzi wa Zahanati; Je, ni lini Zahanati hiyo itakamilika.

**WIZARA YA MADINI:**

**344. MHESHIMIWA FREDY ATUPELE MWAKIBETE (BUSOKELO):**

Atamuuliza Mheshimiwa Waziri wa Madini:- Halmashauri ya Wilaya ya Busokelo ina utajiri mkubwa wa Madini na Gesi Asilia aina ya Carbondioxide:-

Je, ni lini Serikali itaenda kufanya utafiti wa kutosha kwenye Kata ya Lufilyo ambapo kuna Madini aina ya Marble (marumaru).

## **WIZARA YA FEDHA NA MIPANGO:**

### **345. MHESHIMIWA KHATIB SAID HAJI (KONDE):**

Atamuuliza Mheshimiwa Waziri wa Fedha na Mipango:- Viwango vya riba katika Benki hapa nchini ni vikubwa na vimekuwa ni kikwazo kwa Watanzania wengi kuweza kukopa na kufanya biashara:-

Je, Serikali inachukua hatua gani ili Benki ziweze kupunguza viwango hivyo vya riba.

## **WIZARA YA ULINZI NA JESHI LA KUJENGA TAIFA:**

### **346. MHESHIMIWA USSI SALUM PONDEZA (CHUMBUNI):**

Atamuuliza Mheshimiwa Waziri wa Ulinzi na Jeshi la Kujenga Taifa:- Vijana wa Kitanzania wanakabiliwa na tatizo sugu la ukosefu wa ajira na hivyo nguvu kazi kupotea badala ya kutumika kwa uzalishaji:-

- (a) Je, Jeshi la Kujenga Taifa lina mpango gani wa kutumia nguvu kazi ya Vijana kwa kuanzisha miradi ya kilimo cha kisasa ili kuondoa tatizo la ajira;
- (b) Je, ni Vijana wangapi wamenufaika na ajira kwa kila mwaka kupitia Jeshi la Kujenga Taifa (JKT).

**347. MHESHIMIWA ESTHER NICHOLAS MATIKO (TARIME MJINI):**

Atamuuliza Mheshimiwa Waziri wa Ulinzi na Jeshi la Kujenga Taifa:- Jeshi la Wananchi wa Tanzania (JWTZ) limejitwalia maeneo ya Wananchi wa Kenyambi na Bugosi kinyume kabisa na Sheria baada ya kukaribishwa kwa hifadhi ya muda kufuatia kukatika kwa mawasiliano kati ya Kambi yao iliyopo Kata ya Nyandoto na Tarime Mjini:-

- (a) Je, ni kwa nini Serikali imeshindwa kuwalipa fidia Wananchi hao waliochukuliwa ardhi yao na JWTZ tangu mwaka 2007;
- (b) Je, ni kwa nini JWTZ wasirudi kwenye Kambi yao iliyopo Kata ya Nyandoto yenye eneo kubwa kuliko kuchukua maeneo yaliyo katikati ya makazi.

## **WIZARA YA KILIMO:**

### **348. MHESHIMIWA MASHIMBA MASHAURI NDAKI (MASWA MAGHARIBI):**

Atamuuliza Mheshimiwa Waziri wa Kilimo:-  
Serikali imedhamiria kufufua tena Ushirika wa  
mazao na wa kuweka na kukopa:-

Je, kwa nini Serikali isiwe inawasilisha Bungeni  
ukaguzi wa Hesabu za Vyama vya Ushirika  
unaofanywa na COASCO kila mwaka ili Bunge  
lipate nafasi ya kuzijadili kama inavyofanyika  
kwa ripoti za CAG.

## **WIZARA YA ELIMU, SAYANSI NA TEKNOLOJIA:**

### **349. MHESHIMIWA AIDA JOSEPH KHENAN (VITI MAALUM):**

Atamuuliza Mheshimiwa Waziri wa Elimu,  
Sayansi na Teknolojia:- Kila mwaka kuna  
Wanafunzi wanaoendelea na masomo  
(waliofaulu) na waliofeli wengi hubaki nyumbani  
kwa kukosa fedha na sifa za kuendelea na  
masomo:-

Je, Serikali ina utaratibu gani wa kuwasaidia  
wanaoshindwa kuendelea na masomo.

**WIZARA YA UJENZI, UCHUKUZI NA MAWASILIANO:**

**350. MHESHIMIWA DEOGRATIAS FRANCIS NGALAWA (LUDEWA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Bandari zilizopo Ziwa Nyasa upande wa Wilaya ya Ludewa zipo mbalimbali kutoka moja hadi nyingine hivyo kusababisha wasafiri kutembea umbali mrefu kupata huduma ya usafiri:-

- (a) Je, Serikali ina mpango gani wa kuongeza bandari katika maeneo ya Nkanda, Nsele na Makonde katika Tarafa ya Mwambao;
- (b) Je, ni lini zitajengwa gati katika bandari zilizopo Ziwa Nyasa hususan eneo la Wilaya ya Ludewa.

**IV. HOJA ZA SERIKALI:**

**WAZIRI WA MADINI:**

Kwamba, Bunge sasa likubali kupitisha Makadirio ya Mapato na Matumizi ya Wizara ya Madini kwa Mwaka wa Fedha 2018/2019.

**DODOMA  
31 MEI, 2018**

**S. KAGAIGAI  
KATIBU WA BUNGE**